



Broj: 01-2-577/14
Sarajevo, 20.02.2014. godine

MEDIJIMA

Predmet : *Saopštenje Agencije za bankarstvo F BiH povodom najava protesta ispred zgrade Agencije*

Oglašavamo se povodom najavljenih protesta iz UKK „Švicarac“ koji će se prema navodima lista „Dnevni avaz „, održati u ponedjeljak ispred zgrade Agencije.

Tačno je da su zbog enormnog rasta vrijednosti CHF i shodno tome povećanja rata za vraćanje kredita iz ugovora o kreditima s valutnom klauzulom CHF nastali sporovi između ugovornih strana, banaka i klijenata-korisnika ovih kredita, konkretno u Federaciji BiH između Hypo-alpe-adria banke d.d. Mostar, (Banka) i klijenata - korisnika ovih kredita, a u drugim zemljama (npr. Hrvatska, Mađarska i dr. između više banaka i korisnika kredita i u daleko većem obimu), zbog čega se vode sudski sporovi, po tužbama klijenata.

Iako imamo puno razumijevanje za probleme sa kojima se susreću korisnici ovih kredita, Agencija nije nadležna za vođenje i presuđivanje u sporovima iz ugovornih odnosa između banke i klijenta kao i utvrđivanje štete i naknade štete iz tih odnosa. Agencija je u okviru svoje nadležnosti u konkretnom slučaju obvezala Banku da izdvoji i održava sredstva rezervi za slučaj da sporove izgubi, a u svrhu otklanjanja rizika za poslovanje Banke i za osiguranja sredstva za isplate klijenata. Banka je i zbog toga i na preporuku Agencije izašla sa konkretnim prijedlozima za rješavanje tih problema. Naglašavamo da je Stalni odbor za finansijsku stabilnost još 2011. godine raspravljao o problemu kredita vezanih za CHF i dao određene preporuke koje ja Banka prihvatila.

Agencija će poštovati i insistirati na provođenju konačnih presuda suda, bez obzira na njihov krajnji ishod.

Što se tiče zahtjeva ovoga Udruženja vezano za primjenu zakona, naglašavamo da Agencija u skladu sa ovlastima primjenjuje zakone i nadzire njihovu primjenu, i da ima tačno propisane ovlasti i odgovornosti te da ne može prelaziti okvire svojih nadležnosti. U vezi sa navodno utvrđenim „nepravilnostima“ u Agenciji od strane finansijske policije, smatramo da svatko treba odgovarati za svoje postupke i ukoliko se od strane nadležnih organa utvrde bilo kakve nezakonite radnje u bilo kojoj instituciji pa i u Agenciji, takve osobe trebaju biti procesuirane.

Nadamo se da ova najavljena dešavanja neće ugroziti stabilnost i sigurnost cjelokupnog finansijskog sektora, te da će Agencija nastaviti sa redovnim i neometanim aktivnostima u cilju očuvanja stabilnosti finansijskog sistema i zaštite deponenata, koja je od presudnog značaja za stabilnost i bankarskog sistema i za očuvanje imovine stanovništva koje je svoj novac povjerilo bankama.

URED ZA INFORMIRANJE FBA